



## Պարույր Սևակ

### Բանաստեղծի վախճ

Ես ի՛նձ համար չեմ վախենում.

Կուգե՞ք՝ վա՛ղն էլ ընկնեմ-մեռնեմ:

Վախենում եմ ջրի՛ համար

Եվ ջրային խճանկար ա՛յն քարերի,

Որոնք, ինչպես բիբերի շուրջ,

Ասես դառնում սպիտակուց

Ու ցոլանք են տալիս ջրին:

Վախենում եմ նրա՛նց համար.

Վախենում եմ,

Որ մի գուցե հետքս նաև իրե՛նց տանեմ...

Վախենում եմ նաև հողի՛, հողի՛ համար՝

Մենախոսող ա՛յն մեծագույն ողբերգակի,

Ում «Լինելի թե չլինելը» այսօր արդեն բարձր է հնչում

Մինչև անգամ թեթևալիկ քանո՛ւ բերնով,

Որ վարակված ու վարակիչ անպ կարող է քշել-բերել,

Մշտաժիծաղ-գնգուն ձայնով և անձրևի՛,

Որ կարող է անմեղորեն օրհա՛ս փռել՝

Մանուկների երակներում արյունը ջուր դարձրնելով:

Քանի ես կամ՝

Թվում է, թե հողը դեռ չի՛ կործանվելու,

Թե չէ՛ կուգե՞ք... այս վայրկյանիս ընկնեմ-մեռնեմ...

Վախենում եմ, որ գնալիս հետս աստղերի ցուքը տանեն  
Եվ աչքերի գիշերական ու ծովական խորքը տանեն,  
Կաքավների «կղա»-ն, երգի «լո-լո»-ն տանեն,  
Հեռախոսի կարոտ ցրող «ալլո»-ն տանեն,  
Մարդու հոգի կտցահարող աղջրկական քելքը տանեն,  
Քարանձավի և փակուղու ելքը տանեն,  
Տանեն մարդու գե՛նքը միակ՝  
Խե՛լքը նրա,  
Ու նա մնա անգե՛ն-անգո՛ր  
Այս սասանվող հողի վրա՝  
Մենախոսող ա՛յն մեծագույն ողբերգակի,  
Ում «Լինել թե չլինելը» լսո՛ղ է պետք,  
Գոնե լսո՛ղ, լսո՞ւմ եք ինձ, գոնե լսո՛ղ...  
Վախենում եմ սրա՛ համար, թե չէ՛ կուգե՞ք  
Ձեր աչքի դեմ ընկնեն-մեռնեն այս վայրկյանիս...

22.X.1962թ.

Երևան